

## 07 厝烏仔來開講

### 鍾育紋<sup>1</sup>

嘿！照過來照過來，我就是頂港有名聲、下港上出名，佇烏仔界通人知、通人捌的大明星啦！來來來，逐家聽看見我是佢一款烏仔？鴟鴞？毋著，我無遐歹啦！人我加足好鬥陣的。白翎鷺？我都無咧減肥講……你看，我肥肥、古錐古錐佻好咧！雞仔？Honnh，嘛毋是，恁莫看我細細隻仔，我比雞仔較勢飛呢！哪會遮頂顛臆？閣加寡線索予恁，我就是蹠佇恁厝邊，滿四界攏看會著，定和朋友啖啖做一伙，開講的聲音是 tshi-tshi-tshū-tshū、鬧熱滾滾的彼个啊！

著！阮就是逐家厝邊的好朋友——厝烏仔啦！嘛有一寡所在喊阮粟烏仔，因為阮足愛食粟仔，見若收成咧曝粟仔的時，阮就挨挨陣陣佇稻埕食免錢的好料，害無間 tshih-tshih 的作稽人看著阮就心狂火著。歹勢啦！欲維持這號肥媵仔肥媵的體格嘛著拍拚，著無？雖然身軀是圓輓輓，恁敢知我的體重佻重？實在講阮膨皮是膨皮，體重千焦二十桶公克彼跤兜爾，因為阮烏仔動作若欲猛掠，體重就愛減。親像阮不時咧放屎來減輕重量，骨頭勇罔勇煞毋是實腹的，喙裡連一齒喙齒都無……，遮的特徵和濟濟動物是真無全。

若講著阮厝烏仔的外型，除了塗色的羽毛 tshàm 一寡較深的咖啡色、身材矮鼓矮鼓，其他的特色恁敢講會出來？請目睭學予金詳細看看喔！阮下頰的烏喙鬚是鬚叉叉，喙賴兩片引有大大簇若烏痣的毛，目箍邊仔的烏輪帶真重，有人講阮是睏無飽眠惡確確的歹看面，呔會共阮講做按呢？人阮古錐閣伶俐呢！天跤下的厝烏仔是不止仔濟款，阮有一寡平仔可愛的親情，穿插有小可仔無閻。親像蒙古彼搭的厝烏仔，頭殼頂戴長直逝的烏帽仔，看起來誠有學問；佇歐洲彼片的厝烏仔，胸坎掛一條烏色的領垂仔，感覺若像較幼齒；啊若辨世界盃厝烏仔古錐比賽，蹠阿拉伯遐的金色厝烏仔百面會著頭名。恁共想想看覓，規陣親像黃金彼範黃錦錦的烏仔佇空中飛，是佻爾仔好好彩頭咧。

今仔日我講遮濟，因仔兄恁攏學著袂少乎？後回我才閣喊其他的烏仔伴來予逐家熟似喔！

<sup>1</sup>鍾育紋(Tsiong Iok-bún)